



Fakamatala Fakamā'opo'opo 'O E Malu'í – Malu'í Ki He Kanisaá (Cancer Policy)

'I he fakamatala fakamā'opo'opo ko eni 'o e malu'í, 'e 'uhinga 'a e ngaahi fo'i lea ko e "temau (we)", "emau (our)" mo e "mau/kimautolu (us)" ki he *American Income Life Insurance Company*, ko e kautaha 'oku 'a'ana 'a e Malu'í.

Ko e ngaahi fo'i lea "koe/te ke (you)" mo e "ho/ho'o (your)" 'oku 'uhinga ia ki he tokotaha 'oku fakahingoa ko e "tokotaha malu'í (Insured)" 'i he Fakamatala Fakahokohoko ki he Malu'í (Policy Schedule).

'Oku 'oatu 'e he Malu'í ha ngaahi monū'ia ki hono fuofua 'ilo'í 'o e Kanisaá

'Okú ne malu'í ai 'a e Tokotaha Malu'í (Covered Person) 'i ha'ane puke 'i he Kanisaá hili hono fuofua sivi.

Te mau totongi atu pē 'a e monū'ia 'oku totonu ke 'oatú kapau 'oku fuofua 'asi 'a e kanisaá hili 'a e 'uluaki 'aho 'e 30 mei he 'aho na'e kamata ngāue'aki ai 'a e Malu'í. 'Oku 'uluaki "asi" (manifested) 'a e Kanisaá 'i he taimi 'oku 'i ai ha ngaahi faka'ilonga 'o e Kanisaá 'a ia te ne fakatupunga ki ha tokotaha 'oku tokanga ke ne fakahoko hano sivi, ngāue ki ai pe faito'o.

Hili 'a e 'uluaki 'aho 'e 30, te mau totongi 'a e monū'ia 'oku totonu ke 'oatú kapau 'e fuofua sivi ha Tokotaha Malu'í 'o 'ilo kuó ne ma'u 'a e Kanisaá lolotonga 'oku kei 'aonga 'a e Malu'í. 'Oku 'uhinga 'a e "ngāue'aki" (in force) ki he kei hokohoko atu 'a e taimi 'oku ngāue ai 'a e malu'í 'o te'eki ta'ofi.

'Oku fokotu'u 'a e mahu'inga te mau totongi atú 'i he Fakamatala Fakahokohoko ki he Malu'í (Policy Schedule). Te mau totongi 'a e vaeua 'o e mahu'inga ko iá kapau 'e fuofua sivi 'o 'ilo'í 'oku puke 'a e Tokotaha Malu'í 'i he Kanisaá, 'i he hili 'a e faka'ilonga' fakata'u (anniversary) 'o hono fokotu'u 'o e Malu'í 'a ia 'oku muimui mai 'i he 'aho na'e hoko ai honau ta'u 65.

Hili pē ha'amau totongi atu 'a e monū'ia, 'e ngata leva 'a hono malu'í 'o e Tokotaha kuo Malu'í 'i he malumalu 'o e Malu'í ko ení.

'Oku mau ui ai koe mo e mēmipa kotoa pē 'i ho fāmilí kuo malu'í ko ha "Tokotaha kuo Malu'í (Covered Person)".

'Oku 'i ai ho'o totonu ke ke kaniseli 'a e Malu'í 'i loto he 'aho ngāue 'e 10

Kapau te ke fili ke kaniseli 'a e Malu'í 'i loto 'i he 'aho ngāue 'e 10 mei hono ma'u atu ia meia kimautolú, te mau ma'u leva 'a e tu'unga tatau mo koe 'o hangē pē na'e 'ikai 'oatu ha Malu'í. 'I he tu'unga ko iá, te mau totongi fakafoki atu leva ha ngaahi totongi malu'í (premiums) kuó ke 'osi totongi mai.

'Oku taumu'a 'a e Fakamatala Fakamā'opo'opo 'o e Malu'í 'oku 'oatu ko ení ke tokoni ki hono fakamatala' atu 'o e ngaahi kongā tefito 'o e Malu'í.

Ko e Fakamatala Fakamā'opo'opo 'o e Malu'í 'oku 'oatu ko ení ko ha vakai fakalūkufua pē pea 'oku 'ikai hoko ia ko ha kongā 'o 'emau konituleki mo koé.

KĀTAKI 'O LAU FAKALELEI 'A E MALU'Í 'I HA'O MA'U ATU IA.

'Oku 'i he Malu'í totonu 'a e fakamatala kakatō pea 'oku fokotu'u atu ai mo ha ngaahi fakangatangata.



'E lava ke fakakau ho fāmīlī 'i he malumalu 'o e Malu'í

Temau ala fakafisinga'i hano totongi atu 'o ha ngaahi monū'ia kapau te ke talamai ha me'a 'oku fehālaaki 'i ho'o tohi kolé

'E 'ikai temau totongi atu ha monū'ia 'i he ngaahi tu'unga pau 'e ni'ihī

'E lava ke ke kaniseli 'a e Malu'í 'aki ha'o fakahā mai ia:

- kiate kimautilu, 'i he ngaahi fakaikiiki ki he fetu'utakí 'i 'olungá; pe
- ko e tokotaha fale'i AIL 'i NZ na'á ne fakatau atu 'a e malu'í kiate koé.

Kapau te ke kaniseli 'a e Malu'í hili 'a e 'aho ngāue 'e 10 mei hono ma'u atu 'o e malu'í, 'e 'ikai leva ke mau fakafoki atu ha ngaahi totongi malu'í kuó ke 'osi totongi mai kiate kimautilu.

Ko e ngaahi mēmipa ho fāmīlī 'e lava ke kau 'i hono malu'í ko:

- ho mali, hoá (civil union partner) pe nonofo fakamali (de facto partner);
- ho'o fānaú sí'i hifo 'i he ta'u 19 'i he 'aho na'e fokotu'u ai 'a e Malu'í, 'oku te'eki mali, hoa pe nonofo fakamali, pea 'oku nofo fakafalala 'iate koe .

Ka 'i he keisi takitaha, kuo pau ke fakakau honau hingoá 'i he tohi kolé pe tānaki atu ki he Malu'í hili hono tuku atú ka e malava kenau kau ki ai. 'E makatu'unga hano fakakau 'o ha ni'ihī kehe 'oku nau nofo fakafalala 'iate koe (dependents) 'i ha'o fakangofua.

'Oku 'i he Malu'í 'a e ngaahi kupu fakaikiiki fekau'aki mo e taimi 'oku ngata ai 'a e kau ki ai 'a e kau mēmipa 'o e fāmīlī. Hangē ko ení, 'oku kau 'i he ngaahi kupú ni 'a e me'a 'e hoko hili e a'usia 'e ho'o fānaú honau ta'u 21.

Kapau te ke fakahā mai kiate kimautilu ha me'a 'oku fehālaaki 'i ho'o tohi kole ki he Malu'í (pe 'ikai fakakau mai ha me'a), pea temau ala fakahoko eni 'i he 'uluaki ta'u 'e uá ('i he tu'unga 'oku faka'atā 'e he laó):

- kaniseli pe fakata'e'aonga'i 'a e Malu'í; pea
- fakafisinga'i hano totongi atu 'o ha 'eke totongi huhu'i te ke 'omai.

Hili ange 'a e kakato 'o e ongo ta'u 'e ua ko iá, pea 'e 'ikai leva ke mau toe kaniseli pe fakata'e'aonga'i 'a e Malu'í pe fakafisinga'i hano totongi atu 'o ha 'eke huhu'i kapau na'á ke talamai ha me'a 'oku fehālaaki 'i ho'o tohi kolé (pe 'ikai fakakau mai ha me'a). Tukukehe kapau na'á ke kākā 'i hono fakahoko iá.

'Oku mau totongi atu ha monū'ia 'i he malumalu 'o e Malu'í ki ha fa'ahinga pau pē 'o e kanisaá. Hangē ko ení, ko e fa'ahinga eni 'o e kanisaá 'oku 'ikai kau 'i he malumalu 'o e Malu'í:

- kanisā 'o e kilí;
- kanisā ko e carcinoma in situ;
- Konga 1 'o e kanisā 'i he sisitemi malu'í 'o e sinó (Hodgkin's disease);
- Konga A 'o e kanisā prostate; mo e
- fa'ahinga pau 'o e melanoma 'oku fokotu'u atu 'i he Malu'í.

'E 'ikai temau totongi atu 'a e monū'ia kapau na'e fakahoko 'a e fuofua sivi 'o e kanisaá 'i tu'a mei Nu'u Silá ni, 'Aositelēlia, pe 'Amelika (USA).



Kuo pau ke hokohoko ma'u pē 'a hono totongi 'o e malu'í

'Oku fakafou fakahangatonu pē 'a e Malu'í 'i he ta'u kotoa (automatically)

Ko e founga te ke lava 'o fakahoko ha 'eke totongi huhu'í (claim)

Kuo pau ke totongi mai ma'u pē 'a e Malu'í kiate kimautolu ke hokohoko atu hono ngāue'akí. 'Oku fokotu'u atu 'a e mahu'inga ki he ngaahi totongi malu'í 'i he Fakamatala Fakahokohoko ki he Malu'í.

Kapau 'e 'ikai ma'u mai 'a e totongi malu'í 'i he 'aho 'oku pau ke totongi aí (due date), temau faka'atā atu leva 'a e 'aho 'e 31 ke totongi mai ai.

'Oku fakapapau'í 'a hono fakafou fakata'u 'o e Malu'í kae 'oua kuó ke a'u ki ho ta'u 80. 'Oku fakahoko eni kapau 'oku maau 'a e ngaahi totongi malu'í pea fakakakato foki mo ho ngaahi fatongia 'i he malumalu 'o e Malu'í. Lolotonga 'okú ke ngāue'aki 'a e Malu'í pea fakakakato mo ho ngaahi fatongia 'i he malumalu 'o e Malu'í, 'e 'ikai malava ke mau kaniseli ia pe fokotu'u atu ha fakangatangata lahi ange ki ai.

'Oku mau ma'u 'a e totonu ke liliu 'a e ngaahi tu'unga totongi ki hono fakafou 'o e Malu'í. 'E ala fakahoko 'a e liliu ko iá ki he ngaahi malu'í kotoa pē 'i Nu'u Silá ni 'i he founga tatau mo ia 'e fakahoko ki he Malu'í. Te mau fanongonongo atu ha liliu 'i ha 'aho 'e 31 pea toki fakahoko ia.

Kuo pau ke ke fakahā mai kiate kimautolu (pe tokoaha fale'i AIL 'i NZ), 'i ha tohi, ha'ó 'eke totongi huhu'í 'i loto 'i he 'aho 'e 60 meí he 'aho hono fuofua sivi 'o 'ilo 'a e Kanisaá, pe 'i he vave taha 'e ala lavá hili e vaha'a taimi ko ia.

Te mau 'oatu ha ngaahi foomu 'eke totongi huhu'í ke fakakakato 'i he taimi kuo ke fakahā mai ai kiate kimautolu ho'ó 'eke totongi huhu'í.

Kuo pau ke ke fakakakato 'a e ngaahi foomu 'eke totongi huhu'í pea fakafoki mai kiate kimautolu (pe tokotaha fale'i AIL NZ), fakataha mo e fakamatala fakafaito'o 'oku fiema'ú. Kuo pau ke ke fakahoko eni 'i loto 'i he 'aho 'e 90 meí he 'aho na'e fuofua sivi ai 'o 'ilo 'a e kanisaá. Kapau 'oku 'ikai malava 'i ha tu'unga fakapotopoto ke fakakakato pea fakafoki 'a e ngaahi foomu 'i loto 'i he taimi 'oku ngata ki aí, 'e malava ke ke ma'u atu ha taimi lahi ange ke fai ai ia ('o hangē ko ia 'oku fakaiiki atu 'i he Malu'í).

Temau totongi atu 'a e ngaahi monū'ia 'i he malumalu 'o e Malu'í hili 'emau ma'u mai 'a e tohi fakamo'oni 'o e 'uluaki sivi 'o 'ilo 'a e Kanisaá.